

Neky Di'ibù Paäblù Tyuknigajx Ja Titù

¹ Uj Päablù, Diosù myäduumbù esù Jesukristù 'yapóstulu, ja'a njana'anum kots ta xykyéxyüts es nya'uxpákut di'ibáty ja Dios ta twin'ixy es t'axájüdut ja Jesukristù, du'un tnijáwüdut ja tay'ajtun di'ibù nmabujkum,

² es ya tay'ajtangyajxm amumdu'uk tnijáwüdù ko tmüdattu ja jiky'ajtun winu xuu winu tiempa, mät ko Dios, di'ibù kyaj 'yanda'aky, extu ma kyajnumu naty ja naxwíñüdù kyojñum xywyandakum tadu jiky'ajtun,

³ es tyam ko tiempu tpaäty, xytyuk'ane'emyüts es tu xytyuknija'am ja 'yaa 'yayuk di'ibüts uj tyam ngajxwa'xypy, di'ibù Dios, ja nYajnitsokpu'ajtum, tu xytyuknipékyüts.

⁴ Mij Titù, nduknigejxypyu tyadu neky. Du'unüts mij njawu éxtümdsu n'u'unk, ja'a ko ujts mij tu ndukmubeky ja Kristù. Wa'an ja Dios Teety esù nYajnitsokpu'ajtum Jesukristù mguni'xyüty es mmo'oyüty ja agujk'ajt jotkujk'ajtun.

Titù tyuunk jap Kretù

⁵ Kots mij nyajwe'emy jam Kretù, ja'a es xya"abaäadut yajxón di'ibù naty ak'abaäaduyaamp, es xywyin'ixut ja mäjjä'ayüty di'ibù tündüp majatyu mabujkpütujk ñaymyúkudu tu'uk tu'ugu kajpn, du'un éxtüm oj nduknipecy.

⁶ Ja'a mbüjtä'agüp ja mäjjä'ay yedyüküty di'ibù kyaj pún mbaäat mät ti tyukniwaämbétyüty, di'ibù

tu'uk je'eyu ñado'oxy, di'ibu 'yu'unk myabejkypy ja Jesukristu, kyaj tmudaty ja axuakpu jyot wyinma'añ, myamudeepy ja tyaak tyeedyuaty, es di'ibu kyaj ñugoy kyuxkoy.

7 Es mat ko ja mabujkputujku kywentu'ajtpu di'ibu tu yajtuknipéky ja Diosu tyuunk, koonam tmunujxut wa'adsu jyiky'ajtun, di'ibu kyaj ñaymyujpuita'agyaty, kyaj jyot'ambeky mat waanu tii, kyaj myu'laky, kyaj tsyip'uxta'ay, kyaj 'yadseky, es kyaj myeetsy;

8 nik ni'igu ja'ay dyajjajtta'agut oy tsuj ma tyujk, di'ibu tyiimpy yajxón, tuy'ajtun, wa'ats ja'aybyu, Dios muduumbu, nay'aguwijts nayjyujkuwijtsup,

9 di'ibu 'yook'ajtypu es jyiky'aty éxtam ja uxpujkanu tuy'ajtunbu. Pes du'un mat ja oybyu uxpujkan mbaqat tjotmukmo'oydyu ja wiinkputy es jyiky'atut du'un. Es nandu'un mbaqat ttuk'ixy yu tyago'oyan di'ibaty kyaj tpanujxa'andu ja tuy'ajtun.

10 Mat ko ta mayu ja'ayaty di'ibu kyaj ñay'aguwits ñayjyujkuwítsaty di'ibu ya'uxpujktup andakunguyujxm, es waanu ni'igu tqaðuty di'ibu tyukkuwa'anaðup es tkuydyündut ja israelítadyu kyostumbru.

11 Koonam tsyékyaty njujwijtsumbijtam extu ko nya"amo'onamua taadatty, mat ko wyooma't wyijtsma'ittup mat ja axuakpu uxpujkan, di'ibu tsunaaydyup tukjuun tuktujk, es tyuk'uxpujktup di'ibu kyaj ñigutíkyaty es tganarata'andu ja meeñ.

12 Pes tu'ugu Kretu ja'ay di'ibu mat ja kyu'umgugajpnguyujxm jyuanáñ: "Yu Kretu ja'ayaty, du'ñam yu'ujaty 'yanda'aktu, kyáxaty, ñuuuxaty es

dʉ'ʉn éxtumʉ jʉyujk añimalʉn."

13 Tʉy'ajtʉnʉ taadʉ. Pąqты jʉjwijtsʉmbít amʉjaa, es dʉ'ʉn wə'ats tmʉdáttʉ ja mʉbujkʉn.

14 Wa'an tmastu'uttʉ ja israelítʉdyʉ myadya'agyʉty, es nandʉ'ʉnʉ tadʉ ja'ayʉdyʉ kyutujkʉn di'ibʉ tʉ ttuk'uxpuktu ja ja'ay di'ibʉ 'yʉxtijtʉp ja tʉy'ajtʉn.

15 Mʉt ja di'ibáty myʉdajttʉp ja jyot wyinmə'ãñ wə'ats, tʉgekyʉ yu'ʉ wya'adsʉty; per di'ibáty kyaj tmʉbuktu, kyaj tmʉdaty ja jyot wyinmə'ãñ wə'ats, es ni tii ma' yu'ʉ kyawa'adsʉty. Pes extʉ yʉ jyot wyinmə'ãñ esʉ jya'ajʉn tʉgekyʉ 'yaxʉk'ajtta'ay.

16 Dʉ'ʉn jyʉna'andʉ ko t'ixy'attʉ Dios, per di'ibʉ tyuundʉp yajnigʉxʉ'kʉdʉp ko kyaj tyʉy'ajtʉnʉty; pes kyaya'oyjyáwʉdʉ es kyaj kyajxykyupáktu, es kyatimtuundʉp di'ibʉ oy.

2

Oybyʉ esʉ wə'atspʉ uxpujkʉn

1 Per di'ibʉ mij mya'uxpuk, ja'a di'ibʉ nʉjxp til'igyu mat ja oybyʉ uxpujkʉn.

2 Tuk'uxpuk ja mʉjjja'ay yedyʉjk es ñayjyʉjwijtsʉmbítʉdʉt kʉ'um, di'ibʉ naymyay'ajt naywyindsʉ'kʉp, oy tnijawʉt ja Diosʉ 'yayuk, esʉ Dios tpadúnʉt tsojkʉn mʉat es ma'xtujkʉn mʉat.

3 Tuk'uxpuk nandʉ'ʉn ja mʉjjja'aydyoxytyʉjkʉty es windsʉ'kʉn mʉat jya'ay'átʉt, kyaj pyi'ts'ʉw pyi'tskajxʉt, kyaj myʉ'uuk myʉmu'ugʉdʉt, es di'ibʉ yajktʉp ja oybyʉ jʉjwijtsʉmbijtʉn.

4 Dʉ'ʉn mbaat ttukni'íxʉdʉ ja kasaadʉ ña'ktoxytyʉjkʉty es ttsóktʉt ja ña'ay es ja 'yu'unk 'yʉna'kʉty,

5 ñayjyujwijtsumbítudut, wa'ats jyiky'áttut, tk-wentu'áttut ja jyun tyujk, ñaygyubukudut mä ña'a'y, esu du'u'n ni pán tkakajxpuadut axuuk ja Diosu 'yayuk.

6 Tukni'íxudu nandu'u'n ja una'ktujkut y es ñayjyujwijtsumbítudut.

7 Es mo'oy mij ku'u'm tu'ugu oybyu kajxwíjun esu ijxpajtun mä optyim tiity tugekyu. Ko xytyukni'íxut, tun mät tugekyu windsu'kun esu tuda'aky'ajtun.

8 Pun mduknii'ijxup ko nidugekyu tjiky'áttut ja jyiky'ajtun wa'atspu di'ibu kyaj mbaat pán mät ti yajnide'xyuty, pes net ja Kristu jya'ayudyu myudsip tmudáttut ja tsoydyu'un, ja'a ko ni madsoo mbaat tkapaqaty yu axuk'ajtun mä yu njiky'ajtun'ajtum.

9 Kajxwij nandu'u'n ja po'oduumbuty es tmumudówdut mä optyim tiity yu wyindsáñ wyindájuty, a'u'w agajx es kyaj ñaygyu'adsówudut.

10 Katu ti ttoñ tmuwä'añ. Wa'an t'iity yajxón tuda'aky, es du'u'n oypyáñuuty ijxup ja jyiky'ajtun ko ja 'yuxpujkun Dios, yu nYajnitsokpu'ajtum, byeen jyantsy'oy jyantsytsyújuty.

11 Es mät ko Dios dyaka'añ ja ñitsokun mä nidugekyu ja'ayuty, ta xytyuk'ijxum ja 'yoy'ajtun.

12 Es yu oy'ajtun xytyuk'uxpujkum ko koonum nmastútum ja jiky'ajtun axuukpu, nnayjyujwijtsumbijtum es njiky'ajtum yaa mä tyudau naxwíñudu wiji kejy, tuy'ajtun muut es éxtum ja Dios ttseky,

13 mäanum n'awijx njujp'ijxum ja tiempu ko muj'ajtun muut myina'añ ja Jesukristu, ja'a

nmujDios'ajtm esu Yajnitsókpu.

¹⁴ Jesukristu ñaygyuyajku ma ja o'kun ma udsajtm xyjapátm, es du'u n oj xyajtsókm ma ja axk jiky'ajtn, oj xyajwátsm, xyja'a"abujkum, xyja'ay'ajtm es ndu'unm tugekyu di'ibu oy.

¹⁵ Tukni"ixu mij tugekyu tyuquadu, es jotmukmo'oydyu es juwjijtsambít mat tugekyu m'an'a'amun di'ibáty mmundo'oxup. Katu mnayyákyut y es pán mgamuj'íxudat.

3

Dios mubjkpujk pátmdup es tyúndut

¹ Tukjamyatstu ko twindsu'ugudat ja yajkutu-jkpu es myumudówdup ja justisujkut, es ttúnut oytyim tiity yajxón,

² katu jya'ayñi'ow jya'ayñiyuaxudu, yuunk naxypy es oyjya'ay'attup, es dya'íxudat ma 'yaa jyot ko tyuda'agyut y mat nidugekyu ja'ayut.

³ Pes udsajtm nanda'u n ijty ngujuun'ajtm es kyaj ijty nmumundo'om ja Dios. Du'u n ijty njadijtm éxtm ja ja'ayun di'ibu tu tyu'udugoy es 'yane'emyut oytyim di'ibu winma'añut, njiky'ajtm axkuk, nnaywyinnaxuja'am mat tii, ndukmudsip'ajtm tii oypyunty es nnaydyuk'ak'ajtm ijty nixim niyam.

⁴ Per ko Dios, yu'u n Yajnitsokpu'ajtm, dya'ijxu 'yoy'ajtn esu tsyojkun ma ja naxwiñuda ja'ay,

⁵ oj xyajnitsókm, kyaj mat ko tuuxyup oynu'u n ti oy ndu'unm, ja'a du'u n mat ko tmudaty ja pa"ayo'on mat udsajtm, Espíritu Santukyuxm oj xyajwátsm es oj xymyo'oyum

ja jembyu jot winma'añ, éxtamxyup jemy xyajmi'inam jiky'ajtpu.

⁶ Mat yu'agyujxm Jesukristu, nYajnit-sokpu'ajtum, Dios tu xymyo'oyum ja Espíritu Santu,

⁷ es myay'ajtungyujxm oy nwu'uma'anum mat ja Dios, es du'un n'awijx njup'iixam ja kuma'añ, ja jiky'ajtun winu xuu winu tiempu.

⁸ Tyaqadu du'un tuy'ajtun, ndsejpyuts es byeen xuñikajxpátut tagekyu tyaqadu, ja'a du'un es di'libáty myubujktup ja Dios ñaygyuyákudat es ttúnat yu'uyu oybyu. Tyaqadu du'un oy es tuump mat nidugékyuu.

⁹ Katu xymyadya'aktu di'ibu ni ma mgatu'unxuduu, es ni mganaymyujpujta'aga'anuduu nidu'uk nidu'uk wi'ix jyiky'ajttu ja m'aptujkuuty, es katu ti mnaydyukwin'ix mnaydyukjujp'ixudu o mnaygyajxytsyiiguduu mat ja'agyuujxm Moisesu 'yana'amun. Tagekyu taadu ni madsoo mgatu'unxuduu.

¹⁰ Es pun ja pun dyajnaywya'xañuty ja mabujkputujk, tukjaygyuku tugok, es pun kyaj kyajxykyupéky, tukjaygyuku jatugok; es pun kyaj mdimmumudoyuty, katu xuñakytyuñu kwentu.

¹¹ Pesu tadu du'umbu ja'ay kyaj jyiky'aty tuy'ajtun muuat, es yu kyu'umbojpukyujxm ñaydyugóyuty.

Di'ibu Paablu tyuknipejkypy ja Titu

¹² Naskaxuyaambyuts ja Artemus o ja Tíkiku. Ko jya'tut, tun esuts xyñija'tut Nikópols kajpnóty, mat ko du'unuts tu ndukniwitsu ko nyajnaxañuts ja xux po'o jap.

¹³ Pun mabauat mmada'aky, puduku yu Zenus esu Apols, es xymyo'oyut di'ibu tugoy'ajtxup,

es dyajtu'uyo'oyat ja ña'ua tyu'u kadiiba ti tyugoy'ajtxadat.

14 Tukni'íxadu ya nmugu'uk'ajtam nandu'an es ttúndat ja oybyu es tpudákudat di'ibu tagoy'ajtxap, esu jyiky'ajtan tyúnat.

Kajxpo'xun

15 Nidugekyu nmugu'uk'ajtam di'ibuts ja yam maut n'ittu, mduknigáxadu ja Dioskajxy. MayDios xy'anamadu nmugu'uktajk'ajtam. Wa'an ja Dios mgunu'xadu nidugékyaty miidsaty.

**Ja jembya kajxy'átypya mada
Jesukristakyajxm: El Nuevo Testamento de
nuestro Señor Jesucristo en el mixe de
Juquila
New Testament in Mixe, Juquila (MX:mxq:Mixe,
Juquila)**

copyright © 2009 Wycliffe Bible Translators, Inc.

Language: Mixe, Juquila

Translation by: Wycliffe Bible Translators, Inc.

Mixe, Juquila [mxq], Mexico

Copyright Information

© 2009, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixe, Juquila

© 2009, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

0c492fbf-e19b-5f77-b2cc-07da5aab0305